

Cura tgi igls Mulegns veva 150 abitants

SRF Mulegns «Unser Dorf»: svilup dalla vischnanca

FEDER ANTONA BALTERMIA/FMR

■ Dus successiuns en neidas emessas mintgamai igl venderde seira dallas dus emdas passadas. Dumang a seira vign la terza da seis successiuns. Aint igl purtret dalla vischnanca cun 17 abitants en neidas a pled principalmaintg donnas tgi en neidas notiers agls Mulegns. Aint igl sies purtret «Unser Dorf» da SRF 1 en igls Mulegns. Anfignen ossa betg mess gist ainten la migra gleisch. Adegn puspe ins è punctuo tgi oz veivan anc 17 persungas e chellas vegian betg gist la migra convivenza. E schi Origen fiss betg nia cugls sies projects pigl Hotel Posta Liun ed ansomma per spindrar la vischnanca fiss chella bagnspert stada destinada alla perdiziun. Ed igls indigens vignan angal per part a pled e l'ò pitost las donnas tgi en neidas notiers. Tgi è la speranza tgi Origen sapta dar novas perspectives e tgi manc. An minga cass an chegl tgi perrotge en augmait dalla populaziun e la prosperitad cun novas familias giovnas.

Eneda erigl oter

Bung, 17 abitants n'è veiramaintg igl absolut minimun per tgi ena vischnanca sapta ansomma aver ena veta da cumianza. E tgi dat igl mument cun Anna-Louisa Jegher angal en sulet infant e quasi simptomat per chella situaziun.

Adegn n'è chegl pero betg sto uschia. Igl onn 1850 veva igls Mulegns 120 abitants. Ed igl 1900 zont 146. Chegl è sto igls onns dalla fluriziun digls Mulegns.



Cò era anc veta, lavour e gudogn durant igl 19avel tschentener cura tgi cursavan las postas da tgavals sur igl Gelgia e faschevan farmada e midada agls Mulegns.

FOTO ARCHIV FOS

Cura tgi las postas da tgavals cursavan tranter Coira e la Nagiadegna era desperas Churwalden e Casti, er igls Mulegns en li da midada digls tgavals. Generousas stallas davan plaz ad anfignen 150 tgavals. E magari eran l'ò 120 tgavals tgi vevan da neir pavlos, tgiros ed anferos e mantignia igls comets cun tot las tschintas ed accessori. En'argna fuschigna tgi è da vaseir bez anc an stadi quasi original sarviva per

parager igls fiers-tgaval e per far reparaturas ve da carotschas, rodas, balantschigns etc. Chegl è sto igl madem mument scu chegl tgi igl Hotel Posta Liun è gia la sia fluriziun. Blers passaschiers tgi gevan cun las carotschas sur igl Pass digl Gelgia faschevan farmada agls Mulegns e passantavan egn a ples notgs aint igl hotel marcant, sa laschevan eir bagn ainten las belas tgombras e galdivan la bunga cuschi-

gna. Per la vischnanca muntava chegl lavour e gudogn ed igls Mulegns veva quasi ena funcziun da center a Surgöt. Ins veva l'ò la scola secundara (l'ò numnada reala) ed igl Chor viril Surgöt fascheva l'ò las sias provas ed igls sies concerts.

La gronda midada

Magari so ena decisiun politica midar ferm igl design dad ena vischnanca. An

chel cass ègl sto la decisiun da construer la veidafier tras la Val Alvra e betg tras Surses. Chella decisiun è introduia l'antschatta dalla digren dalla vischnanca. La posta da tgavals sur igl Pass digl Gelgia è pers all'antschatta digl 20avel tschentener, cura tgi la veidafier d'Alvra è neida, d'en de sen l'oter la sia muntada.

Gl'è pero betg do lez mument ena smintuziun radicala dalla populaziun. Chegl è gia ples mutiefs. La vischnanca veva anc ena ferma agricultura cun ena bunga part digl funsal an Val Fallar. Igl Hotel Posta Liun era anc adegn cò e veva bagn betg ple las mademas frequenzas scu avant, ma tuttegn savia mantignier ena part dalla clientella stabla. Chegl tgi mantegna era igl antier travagl cun las postas da tgavals. An pe da lez travagl è nia ensatge oter: la construziun digl lai da farmada a Marmorera tranter igl 1950 -1954. Cò on ples famiglias catro lavour e gudogn. Uschia eran tuttegn registros igl onn 1950 anc 109 abitants agls Mulegns.

Atgnamaintg è la spirala negativa antschet pir siva. Tranter igls onns 1950 -1960. Chegl è sto igls onns dalla mecanisaziun ainten l'agricultura ed igl svilup industrial giu la Bassa. Igl 1980 vivevan anc 50 persungas a agls Mulegns e siva ègl ia cuntinuadamaintg angiu: igl 1990 eran 37, igl 2000 anc 33, igl 2005 eran 27 ed igl 2013 era Mulegns siva Corippo an Val Verzasca igl sagond pitschen cumegn dalla Svizra. Ed ossa anc 17...

«Dia n'ò nigra strategia cun nous»

ANGELICA AUGUSTIN/FMR

■ Don Federico Pelicon è igl nov prer dallas pleivs dad Alvagni, Alvaschagn, Barvogn, Brinzauls, Casti, Farrera, Filisour, Mon, Stierva e Surava. Scu è el nia digl Friaul ainten las muntognas grischunas? Scu è el sa vivia aint e scu stattig cun discorer surmiran? All'antschatta digl nov onn ecclesiastic è igl cumegn-baselgia Albula/Alvra pudia benventar en nov plevant: Don Federico Pelicon. Igl om da 52 onns è urindamaintg dall'Italgia digl Nord. El è naschia e carschia se a Gorizia, en pitschen martega aint igl Friaul. Aint igl conturn, noua tgi el è carschia se, vignan discurras treis lungats: taliang, sloven e furlan. Don Federico è carschia se biling cun ena mamma tgi discuriva sloven ed en bab tgi discuriva taliang. Er furlan tgascha el fitg bagn, na discorra pero betg propi igl lungatg. Damai bungas premissas per amprender surmiran. El viglia pero gl'amprender anc migler tudestg e siva eir ve digl surmiran, igl qual igl plai pero gio ossa fitg bagn.

Dus simbols describevan tenor igl prer las sias rieichs nateivas e la sia clamada sacerdotala: igl pegn ed igl vent. Igl pegn igl regorda alla brama digl carsgang, drizza da vers anse, vers igl tschiel. Igl vent igl regorda agl flo vivent digl Son Spiert.

En om internaziunal

Cun 21 onns è Don Federico antro aint igl urden digls gesuits e diesch onns pi tard è el alloura nia consecro scu prer. Blers onns è el luvro scu vicari e plevant a Roma ed è sa dedigia a persungas disavantagedas. Pi tard è el er luvro an Russia, an Australia ed aint igls Stadis unias. El s'interessava gio da gioven da differents culturas ed è antras las sias experiences an teras estras savia schlarger anc eneda igl sies horizonts, er chegl tgi pertoga la baselgia.

Don Federico canoscha igl uestigia da Coira antras ameis dalla Nagiadegna. Uschia ègl sto igl sies giaveisch da pudeir



Don Federico Pelicon durant la eucaristia.

FOTO MADO

lugar aint igl Grischun alpin. Oss è el fitg cuntaint cugl sies nov li da dimora, Alvagni. El sa sainta bagn ed appreziescha la pazientza tgi la gliout vegia cun el, surtot chegl tgi pertoga igl tudestg. Schibagn tgi igl prer è en zichel modest an chel gro – el baita gio fitg bagn tudestg.

«La spetg navot dalla gliout»

Sen la mia dumonda, schi el vegia fegnemeiras concretas pigl sies nov intschess da

pastoraziun, rsonda igl plevant: «La vian nignas fegnemeiras e spetg er navot dalla gliout. Igl mies pensum è simplamaintg dad esser cò per la gliout, da neir an contact cun la gliout e da badar las situaziuns digls mies concarsgangs. Igl mies duer è er da pruar da gidar collier la dimensiun spirituala cun las situaziuns veivas.»

Las baselgias – an general – en ozande betg ple uschieha plagnas las dumengias scu pi bod. Perchegl vaia dumando agl nov

plevant schi el vegia ideas u perfign strategias per augmentar puspe igl domber da chels tgi von a messa. «Las portas dallas baselgias èn avertas e mintgign è bagnia, ena mobilisaziun è pero perfranc betg la fegnemeira. Dia n'ò nigra strategia cun nous. La gliout duess simplamaintg saver tgi vignan carezzos da Dia.»

Surmeir igl plai

Cunche gl' Don Federico è luvro an differents teras, vaia lia saver tge tgi el catta spezial ainten la regiun digl cumegn-baselgia Albula/Alvra. «Bler am regorda ve da Gorizia, noua tgi'a sung carschia se. Er a cò pò mintgign s'exprimer aint igl sies lungatg mamma. La cultura dallas vischnancas (er la cultura ecclesiastica) è er fitg diversa. Chegl ins vei gio ve dall'architetura dallas baselgias e dallas tgesas para da differents vischnancas. E la gliout para da stimar lour cultura individuala ed er d'esser en tant loscha sen chella.»

Dasdar l'olma

Alla fegn vaina naturalmaitg anc baito dalla pandemia. Chegl tgi fò fitg trest Don Federico è surtot da vaseir las misergias finanzialas e la solitariadad da tscherta gliout. Daners seian bagn betg igl pi impurtant ainten la veta pero en po raps ins dovra tuttegn per veiver. Da l'otra vart vei el pero er schanzas. Per exaimpel, dad aver eneda en po pöss e da stimar pi fitg chesta veta custevla. Pinavant catta el tgi ainten teras scu la Svizra, teras sainza misergias pi grondas, seia igl prievegl grond dad aver en'olma resp. en cor tgi dorma en zichel e chella pandemia seia fors ena caschung da sa dasdar e «veiver» puspe pi fitg. Ansomma igl pi impurtant sen chest mond seian per el las relaziuns. Ed er schi ins veia igl mument pi darar igls ameis, porta la pandemia tuttegn er cò la schanza, dad appreziar pi fitg chellas relaziuns ed er d'exprimer tg ins vegia gugent l'egn l'oter, p.ex. cun ena brev u en telefonat.

■ SIA



Stefan Cadosch dat giu igl presidi. FOTO RTR

President dalla SIA cala siva da nov onns

(rtr/fmr) Stefan Cadosch dat giu igls 24 d'avregl da chest onn igl presidi dalla Societad svizra digls inschigniers ed architets. I seia sto en taimp bel ed intensiv, dei igl architect tgi abitescha a Turig ed igl pi impurtant ainten la veta pero en po raps ins dovra tuttegn per veiver. Da l'otra vart vei el pero er schanzas. Per exaimpel, dad aver eneda en po pöss e da stimar pi fitg chesta veta custevla. Pinavant catta el tgi ainten teras scu la Svizra, teras sainza misergias pi grondas, seia igl prievegl grond dad aver en'olma resp. en cor tgi dorma en zichel e chella pandemia seia fors ena caschung da sa dasdar e «veiver» puspe pi fitg. Ansomma igl pi impurtant sen chest mond seian per el las relaziuns. Ed er schi ins veia igl mument pi darar igls ameis, porta la pandemia tuttegn er cò la schanza, dad appreziar pi fitg chellas relaziuns ed er d'exprimer tg ins vegia gugent l'egn l'oter, p.ex. cun ena brev u en telefonat.

En pèr success politics impurtants an surtot savia neir cuntanschias sen scalem nazional. Dasperas ègl er anc do otras istorgias da success, scu per exaimpel la realisaziun dalla punt da miracla «Wunderbrücke», aint igl Technorama.

Igl nov president dalla SIA vign preschento ed eligia igls 23 d'avregl 2021 aint igl rom dalla radunanza da delegos. La SIA è diversas incumbensas. Tranter oter è ella responsabla per l'ovra da normas da biagier e la scolaziun e furnaziun d'architets ed inschigniers. La SIA cunsegia er igl Cunsegl federal an dumondas da construziun.